

外埠有華屋
北京琉璃廠中西大藥房
天津法界屈臣氏大藥房
漢口法界屈臣氏大藥房
杭州梅花牌指南報分館
蘇州府東門外高塔渡山陰陳公館
南京門樓橋裕興

號九十七第 五拜禮 號十月九歷西 日四十月八年酉丁 文五錢取張每 售代館報南指海上託報本

代售經世報

名醫助賑

名醫蒞瀕

徵刻名花

三三三

1

天下馳名

書影絳仙

絳仙姓彭氏庖人女也雖出自蓬門而秀慧罕匹年十七愛花成癖花開則珍惜備至花落必泣以爲常平居弄月吟風每有西子捧心之態會清明隨母掃墓旁有桃花一株紅蕊纍纍含嬌若笑女見而愛之手折一枝歸以插於瓶終日對之惟恐其凋落也一夕將就睡忽有美少年臥於床緋衣絳幘面如凝脂雙頰斷紅倦眸欲化因念曰天下豈有此美男子哉欲奔告父母情不忍足亦止焉低聲歎曰今夕何夕見此良人少年醒曰子兮子兮如此良人何女曰伊何人者在我聞兮少年曰我陶三郎也蒙卿愛我我故來不然則春風不相識何事入羅幃也女曰屈殺我哉然君來倘父母知之奈何少年曰卿勿憂姑假我一夕之宿何如手指窓外曰似此風露侵人卿亦有忍使我深夜安之乎女遂不言和衣而睡少年乃解襦寬帶伏而求歡女初不肯少年長跼哀之女歎曰無可奈何矣遂與纏綿枕股交臥遽然同夢及東方既白女星眸乍啓少年已不知所往自此每夕少年必在室中亦不知其何自來也一日女與少年對坐女指桃花曰三郎面似桃花少年曰花卽我也我卽花也何似之有焉女笑而不信少年曰卿不憶清明之日携我俱來耶女大懼又欲奔告父母恐事敗於己不敢亦不忍遂安之久之女漸病玉顏憔悴飲食減於常父母延醫治之卒勿愈每聞女室中笑語聲入視則無有也又數月女病益甚父母見案頭桃花灼灼如鮮時已新夏以爲怪折而棄之女大哭曰花者兒所以生也花死兒其死乎一慟而絕噫薄命桃花多情情女同歸於盡吾當爲絳仙一哭

倒抬轎 ○昨晚行經四馬路之天樂門首見某校書至此下轎登樓轎夫將空轎抬回轎者向前看而後面相對此進則彼退彼來則此往行走多時仍未少離跬步後者不解連呼暫停及看前者方知其別有抬法也蓋兩轎夫不知在何處暢飲各已醺然隨意抬之以致顛倒竊聞張果老倒騎驢不意復有倒抬轎也然轎可倒抬安知驢不可倒騎乎紅頭驢何妨于無人時一爲試之

亂加圈 ○嘗記有詩云不是文章滿道老天何故亂加圈此詠麻子詩也乃有其面非麻而亦可加圈者有甲乙二人同寓晉隆棧甲幼曾讀書長而習買性好咬文嚼字每出一語必有之乎者也等字人咸鄙厭之昨見報章有江南關題立擬一藝塗鴉滿紙殊不成文而自詡看題之詳手法之妙密密加圈搖頭誦誦畢呼酒痛飲不覺醉甚酣臥榻上猶口中喃喃喃喃其文字乙讀畢秉燭將原文一篇向甲而上面用通頭小字鈔之并加圈無算甲早入醉鄉未之覺也適有友人某丙來訪乙拉甲起坐對燭談談甲搖頭擺尾作種種酸態丙見其滿面奇文離離可怪不禁望而發笑甲曰我之面上有怎麼文章如此好看丙愈笑不可仰曰老兄真榮榮大才滿面然而且夫字樣嬉笑怒罵皆可成文也甲聞言而疑爲以鏡照之蓋知爲乙所戲弄云

金陵考院正中大排坊有四字云鎖院風清面臨秦淮河中之水混濁汚穢無所不有昔曾有人撰一聯云水漲秦淮有多少屎尿腥臊紅淋白帶風清鎖院無非是願增貢附監教職官生爲人傳誦海上塵囂之地妓院林立與金陵之秦淮別有一種氣派有客套其聯云十里通溝流不盡屎尿腥臊紅淋白帶萬人如海聚得來俗儒鴉鵲鴉鵲

客牽頭亦難確切 ○妓院舊例每逢佳節必於各相識處送饋節禮無非打秋風而已有吳人王某初入歡場不諳諸例與美仁里之某校書相識近屆節邊日前某校書特遣娼娘送禮前來不遇月餅梨子等類某受其一半付下力錢越日亦備得禮物四色遣僕送去僕固於此道熟悉者回言無此例子某曰伊與我交好如朋友禮尚往來豈有不回之禮怎麼例子豈有老鴰平僕暗暗欲笑乃担之而出與同夥中分而大嚼復命曰已送去矣先生囑言再三謝謝真是少爺格外禮數也某欣欣喜喜

花間逐客

○有某甲吳人也來滬貿易徵逐勾欄殆無虛日衣服華麗場面闊綽與向仁里某校書甚暱初則攜酒

和繼乃坐臥其中號爲恩客揭母承應之周到娘姨趨奉之殷勤視爲錢神惟恐其速去也積欠不可勝計囊橐早已蕭然而猶裝作大模大樣比屆節邊勢難掩飾校書察其光景情好頗衰鴉鵲尤加白眼相視終日向之逼索某漸漸裝病無言而泣校書家詢察其里籍無有定向也訪問其朋友悉係萍水相逢無有定交也無可如何乃下逐客令推之出門便作了事噫若輩朝秦暮楚其故態凡所謂恩客者迎客時狐也逐客時虎也皆由客之自取于若輩何怪焉

月下留髡 ○某寺小僧最淫常作水滸傳中海和尚裝束遊行街頭作惹草沾花之態前因天氣酷熱不能戴帽許久不出寺門近屆新涼戴一夾紗帽子後裝假髡口下徐徐獨行爲一半掩門姐家強拉使入僧初不肯輕舉離左推右挽偶一低首將帽子掀落地下辮子隨之而落光禿禿無不大笑該妓卒拉之而進想和尚兩頭光大有意趣也

馬逸 ○馬夫阿五者近與日陽婦姘識該婦頗有餘資阿五即依婦度活冬裘夏葛竟作公子王孫第慨專在四馬路各妓院弄中效吊膀子之舉彼處一帶龜傭均皆懷恨前在其妓院弄內又欲做出眉來目去之態竟被龜傭約集多人將阿五大馬騾馬夫又來思府前頭即均各上前毆打阿五見勢不好祇得放出本來面目二脚馬快加鞭絕塵而去

雞鳴 ○英界四馬路胡家宅某野雞妓院昨有裁縫小蘇州者其母曾與捕夥某姘識咸以拖油瓶呼之近來小蘇州不知從何發了橫財竟效問柳尋花之舉前晚身穿華服大搖大擺至該妓院二寶處尋歡正欲同上陽臺之際不料旁有某傭婦所見素知小蘇州底蘊當面譏刺謂爾係捕夥之油瓶兒子乃小烏龜也豈亦效龜傭要罰三担燈草灰乎於是小蘇州滿面羞慚當場出醜無地自容遂抱頭鼠竄而逸該妓以失此絕好嫖客不覺忿恨即向該傭婦理論致相爭鬧

唇槍舌劍紛擾不休一時觀者如堵咸謂布政司大少出醜矣
調月下老人三律 非神非佛亦非仙游戲樓玉宇邊七寶輪修無限月三生石補有情天人生好合知何日此老長生定幾年痴絕朱絲繩一縷千渠何事太纏綿 定我有因緣仗玉成今生無望望來生願修舉案齊眉福暫報傾城一顧情便不作夫甘伴婦還應憐我勝憐卿碧紗窗下無人處私語頻頻聽得清 效顰擬欲答柯倫長爲先生作瑟修豈可仙家無眷屬若添老伴更風流替他男女恩聊答購到嫦娥笑不休願塑藍橋頭白嫗一龕香火共千秋

寄好樓主春如氏未定稿